

ՔԱՂՎԱԾՔ

«Հայաստանի պետական տնտեսագիտական համալսարան»
պետական ոչ առևտրային կազմակերպության գիտական խորհրդի՝
2021 թվականի ապրիլի 14-ի, ժամը 14:00-ի նիստի
N 9 արձանագրությունից

ԼՍԵՑԻՆ.- Հասարակագիտության ամբիոնի վարիչի թափուր պաշտոնի համար հայտարարված մրցույթին մասնակցելու նպատակով («Հայաստանի Հանրապետություն» օրաթերթ, 19.02.2021) «Ամբերդ» հետազոտական կենտրոնի տնօրենի տեղակալ - ավագ փորձագետ, քաղաքական գիտությունների դոկտոր, դոցենտ **Վարդան Կորյունի Աթոյանի** ռեկտորին ուղղված դիմումի մասին հարցը:

Զեկուցող՝ գիտական խորհրդին կից մրցույթային հանձնաժողովի նախագահ, փիլիսոփայության և հայոց պատմության ամբիոնի պրոֆեսոր, փիլիսոփայական գիտությունների դոկտոր, «ՀՊՏՀ ամբիոնի պատվավոր վարիչ» **Ա.Հ.Սարգսյան:**

Զեկուցողը նշեց. «Հայաստանի Հանրապետություն» օրաթերթի 2021 թվականի փետրվարի 19-ի համարում հայտարարվել է մրցույթ **հասարակագիտության ամբիոնի** թափուր պաշտոնի համար, որին կարող են մասնակցել ամբիոնի մասնագիտական ուղղվածությանը համապատասխան գիտությունների դոկտորի կամ թեկնածուի գիտական աստիճան, պրոֆեսորի կամ դոցենտի գիտական կոչում ունեցող անձինք: Հասարակագիտության ամբիոնի վարիչի թափուր պաշտոնի համար հայտարարված մրցույթին մասնակցելու համար 2021 թվականի մարտի 16-ին ռեկտորին դիմում է ներկայացրել «Ամբերդ» հետազոտական կենտրոնի տնօրենի տեղակալ - ավագ փորձագետ, քաղաքական գիտությունների դոկտոր, դոցենտ **Վարդան Կորյունի Աթոյանը:** Նշվեց նաև, որ ամբիոնի վարիչի թափուր պաշտոնի հավակնորդը Հայաստանի Հանրապետության օրենսդրությամբ, ՀՊՏՀ կանոնադրությամբ և «Հայաստանի պետական տնտեսագիտական համալսարանի ամբիոնի վարիչի ընտրության ընթացակարգով» սահմանված պահանջներին համապատասխան ներկայացրել է անհրաժեշտ փաստաթղթերը:

Վ.Կ.Աթոյանը ծնվել է 1980 թվականի նոյեմբերի 6-ին Երևանում: 1987-1997 թթ. սովորել և ավարտել է Երևանի N 75 միջնակարգ դպրոցը: 1997-2002 թթ. սովորել և ավարտել է Երևանի պետական տնտեսագիտական ինստիտուտի (այժմ՝ ՀՊՏՀ) կոմերցիայի և ապրանքագիտության ֆակուլտետը՝ «Մարքեթինգ» մասնագիտությամբ և ստացել է շուկայագետի որակավորում: 2010 թ. ավարտել է Եվրոպայի խորհրդի քաղաքական դասընթացների Երևանյան դպրոցը, իսկ 2015 թ.՝ ՀՀ արտաքին գործերի նախարարության Դիվանագիտական դպրոցը:

Վ.Կ.Աթոյանը 2004 թվականին ՀՀ ֆինանսների և էկոնոմիկայի նախարարության Տնտեսագիտական հետազոտությունների ինստիտուտում գործող ՀՀ ԲՈԿ-ի տնտեսագիտության 008 մասնագիտական խորհրդում պաշտպանել է տնտեսագիտության թեկնածուի գիտական աստիճանի հայցման համար ներկայացված ատենախոսությունը և ստացել տնտեսագիտության թեկնածուի գիտական աստիճան: 2015 թվականին ՀՊՏՀ գիտական խորհրդի որոշմամբ՝ ՀՀ ԲՈԿ-ի կողմից նրան շնորհվել է դոցենտի գիտական կոչում «Քաղաքագիտություն» մասնագիտությամբ: 2018 թվականին ՀՀ պաշտպանության նախարարության Պաշտպանական ազգային հետազոտական համալսարանում գործող ՀՀ ԲՈԿ-ի քաղաքագիտության 056 մասնագիտական խորհրդում պաշտպանել է քաղաքական գիտությունների դոկտորի գիտական աստիճանի հայցման համար ներկայացված ատենախոսությունը և ստացել քաղաքական գիտությունների դոկտորի գիտական աստիճան: Նա հեղինակ և համահեղինակ է ավելի քան հինգ տասնյակ գիտական հոդվածների և գիտաժողովների զեկույցների, ինչպես նաև 9 մենագրության և 3 ուսումնամեթոդական աշխատանքների:

Վ.Կ.Աթոյանը 2019 թվականից Երևանի պետական համալսարանում գործող ՀՀ ԲՈԿ-ի քաղաքագիտության 056 մասնագիտական խորհրդի անդամ է, ներգրավված է քաղաքական գիտությունների բնագավառի ԻԳ.00.02՝ «Քաղաքական ինստիտուտներ և գործընթացներ» խորհրդի կազմում:

Վ.Կ.Աթոյանի աշխատանքային գործունեությունը. 2004 թ. մայիս - դեկտեմբեր՝ ՀՀ ֆինանսների և էկոնոմիկայի նախարարության Տնտեսագիտական հետազոտությունների ինստիտուտ՝ գիտաշխատող, 2005 թ. հունվար - մարտ՝ ՀՀ ԿԱ հարկային պետական ծառայության վարչության պետի օգնական, 2005 թ. մարտ - 2007 թ. հոկտեմբեր՝ ՀՀ ֆինանսների և էկոնոմիկայի նախարարի տեղակալ-գլխավոր գանձապետի խորհրդական, հաստիքացուցակի փոփոխությունից հետո՝ օգնական, 2007 թ. հոկտեմբեր - 2008 թ. հունիս՝ նույն նախարարության աշխատակազմի բաժնի պետ - վարչության պետի տեղակալ, 2008 թ. հունիս - 2010 թ. սեպտեմբեր՝ ՀՀ ֆինանսների նախարարի տեղակալ - գլխավոր գանձապետի օգնական, 2010 թ. սեպտեմբեր - 2013 թ. հունիս՝ ՀՀ Ազգային անվտանգության խորհրդի աշխատակազմի գլխավոր մասնագետ, 2013 թ. հունիս - 2016 թ. փետրվար՝ ՀՊՏՀ «Ամբերդ» հետազոտական կենտրոնի «Ազգային անվտանգության հետազոտություններ» ծրագրի տնօրեն, 2016 թ. փետրվար - 2017 թ. հունվար՝ «Նորավանք» գիտակրթական հիմնադրամի գործադիր տնօրենի տեղակալ, 2018 թ. մայիսից առ այսօր՝ ՀՊՏՀ «Ամբերդ» հետազոտական կենտրոնի տնօրենի տեղակալ - ավագ փորձագետ: Վ.Կ.Աթոյանը 2012 թվականից մինչ օրս համատեղությամբ դասավանդում է ՀՊՏՀ իրավագիտության և քաղաքագիտության ամբիոնում:

2008 թ. ՀՀ ֆինանսների և էկոնոմիկայի նախարարի հրամանով Վ.Կ.Աթոյանին շնորհվել է ՀՀ քաղաքացիական ծառայության 2-րդ դասի

խորհրդականի դասային աստիճան, 2011 թ. Ազգային անվտանգության խորհրդի քարտուղարի հրամանով շնորհվել է ՀՀ քաղաքացիական հատուկ ծառայության 2-րդ դասի խորհրդականի դասային աստիճան:

2008 թ. ՀՀ պաշտպանության նախարարի հրամանով Վ.Կ.Աթոյանը պարգևատրվել է «Գարեգին Նժդեհ» մեդալով: 2014 թ. ՌԴ արտաքին գործերի նախարարության Ա.Գորչակովի անվան Ժանրային դիվանագիտության աջակցման հիմնադրամի կողմից պարգևատրվել է շնորհակալագրով գիտարկրթական ծրագրերի կազմակերպման և ակտիվ մասնակցության համար: 2015 թ. նշված հաստատության կողմից պարգևատրվել է շնորհակալագրով հանրային դիվանագիտության զարգացման գործում անձնական ներդրման համար:

2016 թ. Չինաստանի ժողովրդական Հանրապետության Շենսիի մանկավարժական համալսարանի Կենտրոնական Ասիայի ինստիտուտի կողմից Վ.Կ.Աթոյանին տրվել է հատուկ փորձագետի և հրավիրյալ պրոֆեսորի կարգավիճակ: 2019 թ. նույն համալսարանի «Մեկ գոտի, մեկ ճանապարհ» մշակույթի ուսումնասիրության ակադեմիայի կողմից նրան տրվել է հետազոտողի և հրավիրյալ պրոֆեսորի կարգավիճակ: 2020 թ. ՀՊՏՀ «Ամբերդ» հետազոտական կենտրոնի արձանագրած հաջողություններում նշանակալի ներդրման համար պարգևատրվել է ՀՊՏՀ ռեկտորի շնորհակալագրով:

Վ.Կ.Աթոյանը մասնակցել է ՀՀ-ում, ԱՄՆ-ում, Արաբական Միացյալ Էմիրություններում, Ավստրիայում, Բելառուսում, Բելգիայում, Իտալիայում, Լեհաստանում, Կիպրոսում, Մալայզիայում, Չինաստանում, Ռուսաստանում, Ուկրաինայում և Ֆրանսիայում անցկացված մի քանի տասնյակ աշխատաժողովների, գիտաժողովների, համաժողովների, գիտակրթական և փոխանակման ծրագրերի, վերապատրաստման և որակավորման բարձրացման դասընթացների: Նա ՌԴ ԱԳՆ Ա.Գորչակովի անվան Հանրային դիվանագիտության աջակցման հիմնադրամի ակումբի անդամ է: Անդամակցում է նաև Ռուսաստանի քաղաքական գիտությունների ասոցիացիային (Մոսկվա, ՌԴ) և Ամերիկյան քաղաքական գիտությունների ասոցիացիային (Վաշինգտոն, ԱՄՆ):

Ամուսնացած է, ունի երեք երեխա:

Հարցը քննարկվել է իրավագիտության և քաղաքագիտության, փիլիսոփայության և հայոց պատմության ամբիոնների՝ 2021 թվականի մարտի 25-ի համատեղ նիստում, որտեղ երաշխավորվել է Վ.Կ.Աթոյանի թեկնածությունը ներկայացնել գիտական խորհրդի փակ գաղտնի քվեարկությանը՝ հասարակագիտության ամբիոնի վարիչի թափուր պաշտոնի համար հայտարարված մրցույթին մասնակցելու համար:

Հարցը քննարկվել է նաև գիտական խորհրդին կից մրցութային հանձնաժողովի նիստում, որտեղ նույնպես որոշվել է (կողմ՝ 6, դեմ՝ 0, ձեռնպահ՝ 0) քաղաքական գիտությունների դոկտոր, դոցենտ Վարդան Կորյունի Աթոյանի թեկնածությունը ներկայացնել գիտական խորհրդի փակ գաղտնի քվեարկությանը՝

